

Broj: 06-02-4-1807/25
Mostar, 23.12.2025. godine

Bosna i Hercegovina
Federacija Bosne i Hercegovine
Parlament Federacije BiH
Dom naroda Parlamenta Federacije BiH

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 25-12-2025			
Org. jed.	Broj	Priloga	Vrijednost
05/2	-02-	637	/25

n/p g. Damir Džeba, delegat u Domu naroda Parlamenta Federacije BiH

Predmet: Odgovor na delegatsko pitanje, dostavlja se
(Veza: Vaš akt broj: 05/2-02-637/25 od 06.11.2025. godine)

Uvažen delegat u Domu naroda Parlamenta Federacije Bosne i Hercegovine g. Damir Džeba na 22. sjednici Doma naroda Parlamenta Federacije Bosne i Hercegovine održanoj 30.10.2025. godine, postavio je dva delegatska pitanja Vladi Federacije Bosne i Hercegovine.

Prvo pitanje glasi:

- 1) "U ime ugrožena preseljenjem 64 domaćinstva i faktički nestankom naselja Donje Ričice, ukoliko bi se ovaj projekat u potpunosti proveo, kako Vlada ili nadležna ministarstva namjeravaju opravdati dokazani javni interes za projekat sa niskom profitnom maržom od samo 5 KM po toni, koja za posljedicu ima trajni demografski i identitetski gubitak, te se oslanja na prijetnju prisilnom eksproprijacijom zemljišta koje je sastavni dio kulturnog i generacijskog identiteta ove zajednice?"

Drugo pitanje glasi:

- 2) „Koja su konkretna ulaganja u naselja gdje većinom žive Hrvati ove općine od završetka rata pa sve do danas“?

Ovim putem, u skladu sa članom 13. stav (3) Poslovnika o radu Doma naroda Parlamenta Federacije Bosne i Hercegovine, („Službene novine Federacije BiH“, br. 27/03, 21/09 i 24/20), dostavljamo odgovore na delegatska pitanja:

Odgovor na pitanje broj 1.

Do momenta pisanja odgovora na pitanja uvaženog delegata u Domu naroda Parlamenta Federacije Bosne i Hercegovine g. Damira Džebe, u Federalno ministarstvo energije, rudarstva i industrije nije pristigao nikakav zahtjev za proširenje eksploatacionog polja, odnosno izdavanja dozvole za eksploataciju, u skladu sa članom 38. Zakona o rudarstvu Federacije BiH („Službene novine Federacije BiH“, broj 26/10). Što se tiče studije opravdanosti projekta i dokazivanja javnog interesa, to sagledava nadležno kantonalno ministarstvo u postupku pripreme ugovora o koncesiji. Federalno ministarstvo energije, rudarstva i industrije je na osnovu Elaborata o klasifikaciji, kategorizaciji i proračunu rezervi uglja na ležištu „Donja Ričica“, Općina Gornji Vakuf – Uskoplje, stanje 01.05.2014. godine,

donijelo Rješenje o potvrđenim rezervama i kvalitetu uglja na ležištu „Donja Ričica“, Općina Gornji Vakuf – Uskoplje Up/I broj: 06-18-673/14 od 26.01.2015. godine.

Sva privredna društva koja vrše eksploataciju mineralnih sirovina na području Federacije Bosne i Hercegovine radove izvode u skladu sa važećom zakonskom regulativom, koja se odnosi na geološka istraživanja, eksploataciju, prostorno planiranje, zaštitu okoliša, zaštitu voda i odobrenja, izdata na osnovu propisanih odredbi važećih zakona za svaku oblast pojedinačno. Vlada Federacije Bosne i Hercegovine postupa u skladu sa važećim Zakonom o geološkim istraživanjima Federacije BiH i Zakonom o rudarstvu Federacije BiH, uvažavajući sve ostale zakonske norme koje su trenutno na snazi, naravno poštujući pri tome i sve Konvencije kojih je država Bosna i Hercegovina potpisnica. Radovi na eksploataciji uglja u Federaciji Bosne i Hercegovine provode se prema zakonskim propisima koji su na snazi, a nadzor nad provođenjem zakona vrši Federalna uprava za inspekcijske poslove, preciznije Federalni rudarski, termo i elektro – energetski inspektorat.

Termin „rudarska dozvola i saglasnost u vezi proširenja eksploatacijskog polja“, u stručnom smislu znači izdavanje dozvole za eksploataciju mineralnih sirovina, koja je definisana Zakonom o rudarstvu Federacije BiH („Službene novine Federacije BiH“, broj 26/10) – u nastavku teksta: Zakon o rudarstvu.

Ugovor o koncesiji je vrlo bitan dokument i predstavlja tek jedan od koraka u postupku izdavanja dozvole za eksploataciju. Pogrešno je mišljenje, da su potpisivanjem Ugovora o koncesiji, završeni poslovi vezani za izdavanje dozvole za eksploataciju mineralnih sirovina.

Prije podnošenja zahtjeva za izdavanje dozvole za eksploataciju, neophodno je prethodno prema odredbama Zakona o geološkim istraživanjima Federacije BiH („Službene novine Federacije BiH“, br. 9/10 i 14/10) i Pravilnikom o kategorizaciji, klasifikaciji, proračunu rezervi podzemnih voda i vođenju evidencije o njima („Službene novine Federacije BiH“, broj 47/11) provesti geološka i detaljna geološka istraživanja, koja su već izvedena i na osnovu njih je urađen Elaborat klasifikaciji, kategorizaciji i proračunu rezervi uglja na ležištu „Donja Ričica“, Općina Gornji Vakuf – Uskoplje, stanje 01.05.2014. godine, i doneseno Rješenje o potvrđenim rezervama i kvalitetu uglja na ležištu „Donja Ričica“, Općina Gornji Vakuf – Uskoplje Up/I broj: 06-18-673/14 od 26.01.2015. godine.

Postupak ishodovanja dozvole za eksploataciju odnosno eksploataciono polje je slijedeći: Federalno ministarstvo energije, rudarstva i industrije, odsjek za rudarstvo vodi upravni postupak za dobijanje dozvole za eksploataciju mineralnih sirovina (energetskih i metaličnih), u skladu sa čl. 38. Zakona o rudarstvu i Zakonom o upravnom postupku („Službene novine Federacije BiH“, br. 2/98, 48/99 i 61/22).

Prema članu 38. Zakona o rudarstvu – (zahtjev za izdavanje dozvole i sadržaj dozvole za eksploataciju), uz zahtjev za izdavanje dozvole za eksploataciju privredno društvo dužno je priložiti:

- 1) ugovor o koncesiji;
- 2) dokumentaciju o izvršenim istražnim radovima, ležištu mineralnih sirovina, utvrđenim količinama i kvalitetu mineralnih sirovina (potvrda o revidovanim rezervama);
- 3) dokaz o pravu korištenja ili pravu služnosti na zemljište određeno za eksploataciju mineralnih sirovina;
- 4) situacioni plan – kartu sa ucrtanim granicama eksploatacionog polja u mjerilu koje omogućava da se na njegovoj podlozi u prirodi mogu odrediti granice rudničkog prostora, sa javnim saobraćajnim i drugim objektima koji se nalaze na tom prostoru, sa opisom granica eksploatacionog polja, uz naznaku općine na čijem se području eksploataciono polje nalazi;
- 5) podatke o tehničkoj opremljenosti privrednog društva ili izvođača radova, kao i stručnoj osposobljenosti zaposlenika za eksploataciju mineralnih sirovina i
- 6) okolinsku dozvolu i urbanističku saglasnost.

Dakle, za gore navedene dokumente postoje određene procedure za njihovo ishodovanje. Kada je u pitanju koncesija, odnosno ugovor o koncesiji, već je navedeno da

je za isto, nadležno kantonalno ministarstvo privrede na čijem području se traži dozvola za eksploataciju, odnosno eksploataciono polje.

Za ishodovanje dozvole za eksploataciju, odnosno eksploataciono polje, neohodno je pribaviti dokaz o riješenim imovinsko-pravnim odnosima, da li je zemljište izdato na korištenje, kupljeno, otkupljeno ili ustupljeno na korištenje po pravu služnosti.

Dokaz o ispunjavanju minimalnih uslova za bavljenje poslovima rudarske djelatnosti, kojeg izdaje Federalni rudarski, termo i elektro-energetski inspektorat, pribavlja se uvidom na licu mjesta, gdje se utvrđuju uslovi o tehničkoj opremljenosti privrednog društva ili izvođača rudarskih radova, kao i stručna osposobljenost zaposlenika za eksploataciju mineralnih sirovina.

Također, neohodno je pribaviti okolinsku dozvolu, koju izdaje Federalno ministarstvo okoliša i turizma, za čije izdavanje je propisana procedura i urbanističku saglasnost koju izdaje nadležni organ.

Nakon uredno podnešenog zahtjeva i dostavljenih prethodno nabrojanih dokumenata, uz zahtjev za izdavanje dozvole za eksploataciju, odnosno dozvole za eksploataciono polje, Federalno ministarstvo energije, rudarstva i industrije na osnovu člana 37. stav 2. Zakona o rudarstvu, zakazuje uviđaj na licu mjesta i usmenu raspravu. Na uviđaj na licu mjesta i usmenu raspravu se obavezno pozivaju:

- podnositelj zahtjeva – ovlašteni predstavnik privrednog društva;
- ovlašteni predstavnici kantona na kojem egzistira eksploataciono polje, zastupnik Ministarstva privrede, predstavnik komisije za koncesije kantona;
- ovlašteni punomoćnik općine na kojem se nalazi eksploataciono polje, predstavnik Službe za prostorno uređenje općine;
- predstavnici Mjesnih zajednica (lokalnih zajednica) koje graniče sa eksploatacionim poljem.

Nakon održane usmene rasprave, ukoliko podnosilac zahtjeva ispunjava sve zakonom propisane uslove, ovo Ministarstvo izdaje Rješenje kojim se odobrava eksploatacija na eksploatacionom polju na period naznačen u Rješenju.

U postupku izdavanja dozvola definisanih Zakonom o rudarstvu, nužno je prethodno pribaviti i dostaviti, izdate akte i odobrenja drugih ministarstava i nadležnih institucija, kao što su: Federalno ministarstvo okoliša i turizma, Federalno ministarstvo prostornog uređenja, Federalno ministarstvo poljoprivrede, vodoprivrede i šumarstva, Agencija za vodno područje rijeke Save i Jadranskog mora, kao i kantonalnih ministarstava nadležnih za prostorno uređenje i okoliš.

Odgovor na pitanje broj 2.

Federalno ministarstvo energije, rudarstva i industrije ne raspolaže sa podacima koja su konkretna ulaganja u naselja gdje većinom žive Hrvati ove općine od završetka rata pa sve do danas, kao niti ulaganja u druge lokalne zajednice.

S poštovanjem,

- > naslovu
- > 06
- > a.a.



MINISTAR

Vedran Lakić